



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

**Luxemburgi, 1740**

LXXII. De erectione Hospitii Matritien. vulgo de la Passion in Conventum  
Fr. Prædic.

---

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)



& inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus præmissis, ac Constitutionibus, & ordinationibus Apostolicis, ac quatenus opus sit Provinciæ, & Ordinis prædictorum etiam juramento, confirmatione Apostolica, vel quavis firmitate alia roboratis, Statutis, & consuetudinibus; privilegiis quoque, indultis, & litteris Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanens, ad præmissorum effectum hæc vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub annulo Piscatoris die XXX. Augusti MDCCXXV. Pontificatus nostri Anno Secundo.

LXXII.

Erigitur Hospitium Matriten. Fratrum Prædicatorum, vulgo *de la Passion*, in regularem ejusdem Ordinis Conventum, cum omnibus cæterorum Conventuum privilegiis.

*Alia hujus Const. ed. 1725. Apr. 10. P. 1. iisdem Fratribus nonnullarum Provinciarum facta fuit facultas peragendi Processionem SS. Rosarii absque licentia Episcopi, & Parochi interveniu.*

BENEDICTUS EPISCOPUS,

*Servus Servorum Dei. Ad perpetuam rei memoriam.*

Pastoralis Officii, quod meritis licet imparibus Divina Providentia humilitati nostræ committere dignata est, ratio postulat, ut omnium Regularium Ordinum Vineam Domini excolentium præcipuam sollicitudinem geramus, quæque ad Divini Cultus amplificationem, Regularis disciplinæ custodiam, & augmentum conferre dignoscimus, ea Jugi studio, & conatu provehere, statuere, & vehementer urgere non desinamus. Peculiariter tamen cura, & vigilantia oculos nostræ mentis ad Ordinem Fratrum Prædicatorum, in quo solemnem professionem Regularem emisimus, & diu versati sumus, Nos decet convertere, ut ubi uberioribus fructus in Vineam ipsam profluere, & bonorum operum messem exurgere aspicimus, illuc, quantum in Domino possumus, provida cogitatione, & maxima fidelitate incumbamus.

§. 1. Itaque cum alias, & usque de Anno Domini 1637. tunc existentes Fratres dicti Ordinis, Provinciæ Hispaniæ Hospitalis vulgo *de la Passion* nuncupatum in Oppido, seu Civitate nuncupato Matriti Toletan. Diocesis, intra limites Parochiales Ecclesiæ Sanctorum Justi, & Pastoris dicti Oppidi situm, cum ejusdem Hospitalis sine cura existente, minisque collativa Ecclesia, ac omnibus, & singulis mansionibus, aliisque membris, & ædificiis ad usum habitationis ab eodem Hospitali quomodolibet dependentibus, eique annexis, in eorumdem Fratrum, Oppidum prædictum pro eorum, dictæque Provinciæ negotiis pertractandis pro tempore adeuntium, Hospitium jam convertendum a tunc existentibus, dicti Hospitalis, illiusque Ecclesiæ Mansionum, Membrorum, & Ædificiorum prædictorum possessione per tunc existentes Fratres prædictos adepta, eodemque Hospitali in eorum Hospitium converso, dictæ Ecclesiæ, in Divinis juxta laudabile dicti Ordinis Institutum deservire, ac in ea Sanctissimæ Eucharistiæ Sacramentum asservare, illudque Christi-

delibus excepto Paschali tempore ministrare, defunctorum Corpora tumulare, Missas prævia Campanarum pulsatione, aliaque Divina Officia celebrare, & Christianæ Pietatis opera exercere consueverunt.

§. 2. Lite postea, & Causa in Patribus inter tunc existentes Rectorem dictæ Parochialis Ecclesiæ, ac in eo Clericos, seu Presbyteros perpetuos Beneficiatos ex una, & tunc existentes Fratres prædictos ex altera Partibus coram Ordinario loci, & deinde coram aliis earundem Partium Judicibus competentibus, ac demum in Romana Curia, & in Causarum Palatii Apostolici Auditorio super præmissis, & præsertim super eo, quod dictum Hospitale in Hospitium ejusmodi, nulla desuper dicti Ordinarii loci ad id interveniente licentia, minusque servata fel. record. Clementis Octavi, Gregorii XV., & Urbani etiam VIII. Romanorum Pontificum Prædecessorum Nostrorum Constitutionum desuper respectively editarum, & Concilii Tridentini Decretorum respectively forma, conversum, seu erectum, & institutum fuerat, rebusque aliis in actis Causæ, & Causarum ejusmodi latius deductis introducta, prosequuta, ac demum per tres sententias conformes ad tunc existentis dictæ Parochialis Ecclesiæ Rectoris, & in ea Beneficiatorum prædictorum favorem desuper emanatas, & in rem judicatam transactas terminata, Fratres tunc existentes prædicti in earundem sententiarum executionem a præmissis omnibus, & singulis in dicta Ecclesia ulterius exequendis, & exercendis sese abstinere, dictæ Ecclesiæ januas claudere, & ab eadem Ecclesia illius Campanas anovere coacti fuerunt: proptereaque dictum Hospitium velut in privatam Domum redactum extitit, & existit de præsentibus.

§. 3. Cum autem sicut accepimus, ad Oppidum prædictum, in quo pro tempore existentis Hispaniarum Regis residet Aula, frequens Ordinis, & Provinciæ prædictorum Fratrum pro eorum ibi discutiendis negotiis accedat consuetudo, & absorum sit, quod in tam insigni Oppido, ubi Regalis Aulæ hujusmodi per commendabilem Secularium morum honestatem refulget decor, & Religionis cultus, Fratres illic pro tempore accedentes prædicti in Hospitio hujusmodi nullo septo, Clausura, & veluti in privata Domo cum libero Secularium utriusque sexus Personarum, accessu, non sine Regularis disciplinæ discrimine, animique dolore commorari cogantur: Hospitium vero prædictum nunc, ut præfertur, veluti in Domum privatam redactum mansionibus, aliisque Ædificiis pro futuro dicti Ordinis, per Nos ut infra erigendo Conventu necessariis, opportunisque refectum existat, & in Ecclesia prædicta, quæ eidem Hospitio contigua, eique proxima, nec angusta, minusque rudis structuræ existit, majus, & sex alia Altaria Sacris utensilibus ad Missas etiam Conventuales celebrandas satis decenter ditata, & ornata, Chorus pro Divinis Laudibus Altissimo depromendis accommode instructus, & Sacristia cum ejus Sacra suppellectili locupletata reperiantur.

§. 4. Nos igitur ad majori ejusdem Ordinis stabilitati in prædicto Oppido consulendum, & ne illa ulterioribus litium prematur incommodis, sed ut Ordo ipse, cujus in dicto Oppido tres Conventus perpetuo erecti, & instituti reperiantur, pluribus in Oppido hujusmodi abundans Stationibus semper gratior, validiorque in pacis amenitate efflorescat coram Domino, prout sincero exoptamus affectu, litis, & Causæ prædictarum, & aliarum, si quæ sint, & desuper quomodolibet exoriri poterunt in futurum, statum, & merita universa, nominaque, & cognomina Judicum, & Collitigantium præsentibus pro plene expressis habentes, & causam prædictam, quatenus opus sit, ad Nos avocan-

Pro qua erectione lis exorta, indequod Hospitium in privatam Domum redactum.

Causa præsentis Erectionis.

Lis prædictæ extinguitur, & prædicti Hospitii erectio confirmatur.

Erordium a cura Ordinum Regularium, Prædicatorum, Prædicatorum, cui nomen dederat.

Refertur erectio prædicti Hospitii jam prædicti.



Ereccio  
ejusdem Hof-  
pitii in regu-  
larem Con-  
ventum, cum  
omnibus pri-  
vilegiis alio-  
rum.

tes, litemque hujusmodi ad infrascriptorum effectum omnino, penitusque extinguentes, necnon dationem, & concessionem Hospitalis, illiusque Ecclesie ædificiorum, aliorumque annexorum membrorum, & dependentiarum prædictorum per tunc existentes dicti Hospitalis Rectores tunc existentibus Fratribus prædictis quocumque cuiusvis alienationis titulo, ac quocumque desuper forsan tunc soluto pretio quomodolibet factas, Apostolica auctoritate perpetuo approbantes, & confirmantes, eisque inviolabile Apostolica firmitatis robur adjicientes, nec non omnes, & singulos tam juris, tam facti, aut aliarum quarumcumque circumstantiarum & solemnitatum defectus si qui, & si quæ tam super datione, & concessione, quam dicti Hospitalis erectione, seu fundatione prædictis quomodolibet respectivo intervenerint, seu intervenisse prætendantur, plenarie perinde, ac si datio, & concessio, ac erectio, seu fundatio prædictæ respectivo factæ fuissent, suppletis, motu proprio, non ad alicujus super hoc Nobis oblata petitionis instantiam, sed ex certa scientia, meraque voluntate, & deliberatione Nostris, deque Apostolica potestatis plenitudine, Hospitium prædictum cum omnibus, & singulis illius ædificiis, Aedibus, mansionibus, Officiis, & Hortis in eo existentibus quibuscumque, prævia ab eis cuiuscumque secularitatis, si qua inesse dignoscatur, seu prætendatur, status, & essentia abdicacione, suppressione, & extinctione, in reliquum Regularem dicti Ordinis, in dicto Oppido Conventum cum omnibus, & singulis privilegiis, indultis, facultatibus gratiarum, Indulgentiarum, Largitionibus, immunitatibus, ac exemptionibus, quibus cæteri dicti Ordinis Conventus de jure, stylo, & consuetudine, ac participatione, aut alias quomodolibet nunc utuntur, potiuntur, & gaudent, ac uti, potiri, & gaudere poterunt in futurum pro duodecim saltem nunc, & pro tempore existentibus Ordinis, & Provincia prædictorum Fratribus Ordinem ipsum expresse professis; qui in Conventu per presentes ut infra erigendo hujusmodi, ac intra illius claustra, servata Regulari eorum disciplina, una cum uno ex eis futuro eorum Priore ab ejusdem Ordinis Fratribus Canonice pro tempore eligendo, qui eos necnon Conventum per presentes ut infra erigendum juxta dicti Ordinis Leges, & Constitutiones per debitas eorum regularis disciplinæ semitas, regere, dirigere, corrigere, & gubernare, eisque præesse debeat, vivere, & qui ex Conventu per presentes ut infra erigendi hujusmodi annuis redditibus, seu elemosynis, si quos, aut si quas habeat eorum alimonie, & manutentioni sufficientes, sin minus, ac donec Conventus per presentes erigendus hujusmodi ex redditibus, & elemosynis prædictis habuerit, unde congruæ alimonie, & manutentioni prædictis consulere valeat, ex aliorum Provincia prædictæ Conventuum juxta providam ab ejusdem Provincia Provincialibus Superioribus desuper pro rata reddituum; seu elemosynarum deficientiam hujusmodi faciendam, servandamque distributionem, ac alias quoad illorum numerum alimoniam, & manutentionem hujusmodi juxta Constitutionum, & Decretorum Apostolicorum alias desuper editorum formam, & tenorem, ali, & manuteneri debeant, necnon sine cura, minusque collativam existentem Ecclesiam prædictam, abdicata pariter ab ea quacumque ejus secularitate in regularem dicti Ordinis Ecclesiam cum omnibus quoque, & singulis libertatibus, immunitatibus, exemptionibus, privilegiis, indultis, Indulgentiis, gratiis, præminentis, & antelationibus, quibus reliquæ dicti Ordinis regulares Ecclesie nunc quomodolibet fruuntur, utuntur, potiuntur, & gaudent, ac uti, frui, po-

tiri, & gaudere poterunt in futurum, ita quod liceat Fratribus dicti Ordinis pro tempore existentibus prædictis illam, illasque Januas publice aperire, Campanas denuo apponere, ac pulsare, & in ea Missas etiam Conventuales, aliaque Divina Officia celebrare, Sacramentales Christifidelium Confessiones audire, Venerabile Sanctissimæ Eucharistia Sacramentum decenter aservare, illudque eisdem Christifidelibus singulis anni, non tamen Paschalis, temporibus, & diebus ministrare, conciones habere, Defunctorum Cadavera sepelire, Beata Mariæ Virginis Rosarium recitare, Divinas Laudes nocte, & die assidue choraliter decantare, aliaque Christianæ pietatis opera, & functiones Ecclesiasticas juxta eorum Ordinis laudabile Institutum, & quæ Religiosa eorum Charitas ad promovendam æternam proximorum salutem sibi suaserit exercenda, exercere, cuiusvis licentia desuper minime requisita, sine tamen præjudicio Jurium Parochialium dictæ Parochialis Ecclesie, illiusque nunc, & pro tempore existentis Rectoris, Apostolica auctoritate perpetuo erigimus, & instituímus.

§. 5. Decernentes easdem presentes etiam ex eo quod dilecti Filii moderni dictæ Parochialis Ecclesie, illiusque nunc, & pro tempore existentes Rector, ac Beneficiati in ea existentes prædicti, Ordinarii loci, Regulares cuiuscumque Ordinis, Societatis, vel Instituti, vel quicumque alii in præmissis quomodolibet interesse habentes, seu habere prætendentes, vel alii ad quos forsan spectat, & pertinet, seu pro tempore spectabit, & pertinebit, ad hoc vocati, & auditi non fuerint, neque præmissis consenserint, imo forsan illis contradicuntur sint, seu quibusvis aliis quantumvis justis, iustissimis, & rationabilibus Causis de nullitatis vitio, aut intentionis nostræ, vel quopiam alio defectu cogitato, vel inexcogitato notari, impugnari, retractari, annullari, in jus, vel controversiam revocari, aut adversus eas, quodcumque juris, vel facti, aut gratiæ remedium impetrari, vel sub quibuscumque Constitutionibus, & Literis Apostolicis in contrarium præmissorum etiam motu pari, & consistorialiter emanatis, vel emanandis, aut quibusvis similibus, vel dissimilibus gratiarum revocationibus, suspensionibus, limitationibus, aut aliis contrariis dispositionibus, nullatenus unquam comprehendendi, sed semper ab illis exceptas, & quoties illæ emanabunt, toties in pristinum, & validissimum, ac eum in quo ante permissa quomodolibet erant, statum restitutas, repositas, & plenarie reintegratas, ac de novo etiam sub quacumque posteriori data per pro tempore existentes d. Conventus per Nos, ut præfertur, erecti Priorem, & Fratres eligenda, concessas, semper, & perpetuo validas, & efficaces esse, & fore, suosque plenarios, & integros effectus sortiri, & obtinere, ac ab omnibus ad quos spectat, & pro tempore spectabit firmiter, & inviolabiliter observari: sicque, & non alias per quoscumque Judices Ordinarios, vel Delegatos etiam causarum Palatii prædicti Auditores, ac Sanctæ Romanæ Ecclesie Cardinales etiam de Latere Legatos, & Vicelegatos, ac Sedis Apostolicæ Nuncios, sublata, eis & eorum cuilibet quavis aliter judicandi, & interpretandi facultate, & auctoritate, in qualibet instantia judicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 6. Quocirca dilectis Filiis nostro, & dictæ Sedis Nuncio in Regnis Hispaniarum pro tempore commoranti, ac Causarum Curie Camere Apostolicæ Generali Auditori per Apostolica scripta motu proprio simili mandamus, quatenus ipsi vel duo aut unus eorum per se, vel alium, seu alios, quando & quoties pro parte, pro tem-

Claustris.

Deputatio  
Executo-  
rum.

pore



1725.

pore existentium Fratrum Conventus per Nos, ut præferatur erecti hujusmodi, seu pro eis agentium requisiti fuerint, eisdem præsentem, & in ea contenta quæcumque, ubi, quando, & quoties opus fuerit, faciant integraliter, ac inviolabiliter observari, non permittere Priorem, & Fratres dicti Conventus per Nos ut præferatur erecti, vel pro eis agentes pro tempore existentes prædictos desuper quomodolibet indebite molestari, perturbari, aut inquietari, Contradictores, & rebelles quoslibet per censuras Ecclesiasticas aliaque juris, & Facti remedia compellendo, invocato etiam si opus fuerit, Brachii secularis auxilio.

§. 5. Non obstantibus nostra, & Cancellaria Apostolica clausula de jure quæsto non tollendo, ac ejusdem recordationis Bonifacii similiter Papæ VIII. etiam Prædecessoris Nostri quatenus opus sit de una, & Concilii generalis de duabus dietis, dummodo aliquis extra suam Civitatem, & Diocesim ultra tres dietas ad Judicium non trahatur, necnon prædictis Clementis, Gregorii, & Urbani Prædecessorum Nostrorum prædictorum, necnon piæ mem. Innoc. PP. X. similiter Prædecessoris nostri desuper edita, aliisque Constitutionibus, & Ordinationibus Apostolicis, necnon Ordinis prædicti, etiam Juramento, Confirmatione Apostolica, aut quavis firmitate alia roboratis, Statutis, & consuetudinibus etiam immemorabilibus; privilegiis quoque, Indultis, & literis Apostolicis illi, illiusque Superioribus, aliisque Personis, etiam derogatoriis derogatoriis, efficacioribus, efficacissimis, & insolitis Clausulis in contrarium præmissorum forsan quomodolibet concessis, approbatis, confirmatis, & innovatis. Quibus omnibus, & singulis, etiam de illis, eorumque totis tenoribus specificis, & expressis, ac de verbo ad verbum, non autem per clausulas generales idem importantes mentio, seu quævis alia expressio habenda foret, latissime, & plenissime, ac specialiter, & expresse hac vice dumtaxat harum serie motu pari derogamus, cæterisque contrariis quibuscumque.

§. 6. Nulli ergo omnino hominum liceat paginam hanc nostræ Approbationis, Confirmationis, Roboris, Adjectionis, defectuum, Suppletionis, Erectionis, Institutionis, Decreti, Mandati, & derogationis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud Sanctam Mariam Majorem Anno Incarnationis Dominicæ Milleesimo septingentesimo vigesimo quinto Nonis Septembris Pontificatus nostri Anno Secundo.

LXIII.

Confirmatur Ordinatio quædam Capituli Generalis Carthusiensis; ne Monachi ejusdem Ordinis Missarum elemosynas in privatos usus convertant.

*Clem. XI. Const. ed. 1712. Maji 11. P. 12. prohibitum fuit Monachis d. Ordinis, ne usum carniuum alicui in suis Monasteriis permittant. Et hujus Const. ed. 1725. Aug. 20. P. 2. Statutum fuit ut nullus impetrare possit gratiam aliquam a S. Sede sine Superiorum majorum licentia, quæ Constitut. confirmatur a Clem. XII. Const. ed. 1732. Jul. 31. P. 3.*

BENEDICTUS PAPA XIII.

Ad futuram rei memoriam.

EXponi Nobis nuper fecit dilectus filius Vincentius Dinelli Procurator Generalis Ordinis Carthusien., quod cum nonnullis abhinc an-

nis inter aliquot ejusdem Ordinis Monachos per se, sive per interpositas personas Missarum elemosynas procurandi, illarumque lucrum contra eorum regulam, & paupertatis votum, non obstante, quod abunde de rebus necessariis provisi sint, sibi attribuendi abusus irrepressit, per quamdam Ordinationem Capituli Generalis dicti Ordinis anno 1684. celebrati expresse prohibitum fuit, ne unquam talium stipendiorum lucra sive palam, sive secreto sibi procurarent, aut reciperent, vel in proprios usus applicarent, prout fufus continetur in eadem ordinatione, tenoris qui sequitur, videlicet:

§. 1. 1684. *Ordinatio pro Missis elemosynariis. Quia experientia teste didicimus, quæ, & qualia damna Ordini evenerunt in quibusdam locis ex celebratione quarundam Missarum, quarum stipendia a celebrantibus in proprios, aut amicorum, vel Parentum usus convertebantur, & partim per Superiorum pusillanimitatem, partim per Subditorum astutias, qui per varias pretextuum, & rationum excogitationis id sibi quasi licitum usurpabant: Qui quidem abusus jam extirpatus esse videtur: Sed ne unquam tale malum in voti paupertatis perniciem, & cupiditatis nutrimentum, quæ propositi Carthusien. pestis merito vocari mereretur, quæcumque Domum Ordinis sub quolibet pretextu iterum ingredi valeat, aut in qualibet Persona Ordinis tolerari; Declaramus quæcumque rationes super hac re huc usque allegatas, aut allegandas frivolas esse, & nullas, sed meras esse corruptelas a Seminatore zizaniorum in animarum perniciem superfeminatas: Cum personis Ordinis necessaria juxta propositi Carthusien. tenorem utique ministrari per Statuta nostra præscribantur, & de facto ubique per Superiores sufficienter ministrentur. Et prohibemus omnibus personis Ordinis in virtute Sanctæ obedientiæ, ne unquam talium stipendiorum lucra, sive palam, sive secreto sibi procurant, aut recipiant, vel in proprios usus applicent, sive per se, sive per interpositas personas, sub penis contra inobedientes, & proprietarios per Statuta ordinatis. Prioribus vero interdicens, ne unquam id permittant, aut tolerent sub pena absolutionis. Si quæ autem devota persona Missas pro se celebrari possulent ad jussu Prioris, cui omnes Monachi, ex vi voti sui in his, sicut in aliis obedire tenentur per ordinem tabule, sicut consuetum est apud Nos reddantur, & stipendia inde oblata aliis Conventus bonis incorporentur juxta mentem Sac. Concil. Tridentini Sess. 25. Cap. 2. de Reformat., & juxt. Cap. 19. 2. part. Statutorum nostrorum, atque administrationis Superiorum subjaceant. Nec Visitatoribus Ordinariis, aut Commissariis liceat ullo modo super hac re dispensare: Sed insuper ea omnia, quæ in locis specialibus super hac re fuerunt jam per Capitulum Generale disposita volumus in suo robore permanere. - insuper ea omnia, quæ in locis specialibus super hac re fuerunt jam per Capitulum Generale disposita volumus in suo robore permanere. - Et subinde ejusmodi Ordinatio in Capitulis Generalibus annorum 1685. 1711., & currenti anno confirmata fuit.*

§. 2. Cum autem, sicut eadem expositio subjungebat, his minime attentis præsentis abusus etiam nunc perseverent, ac proinde ut Capituli Generalis Ordinatio præinserta inviolabiliter observetur, dictus Vincentius Procurator Generalis Ordinationem hujusmodi Apostolicæ Confirmationis Nostre patrocinio communiri summo perere desideret:

§. 3. Nos ipsius Vincentii Procuratoris Generalis votis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & Interdicti, aliisque Ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicacioni-

Ordinatio præd. Capituli Gen. an. 1684.

Præces Procuratoris Gen. pro confirmatione.

Dat. 7. Sept. 1725. An. 2.

Facti expostio.